

四庫全書

集部

欽定四庫全書

集部

御定全唐詩卷

七十七至  
八十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官庶吉士臣范鏊

騰錄監生臣黃嘉績

欽定四庫全書

御定全唐詩卷七十七

駱賓王

駱賓王義烏人七歲能屬文尤妙於五言詩嘗作帝京篇當時以為絕唱初為道王府屬歷武功主簿又調長安主簿武后時左遷臨海丞怏怏失志棄官去徐敬業舉義署為府屬為敬業草檄斥武后罪狀后讀之矍然歎曰宰相安得失此人敬業事敗賓王亡命不知所終

中宗時詔求其文得數百篇集成十卷今編詩為三卷

夏日遊德州贈高四并序

夫在心為志發言為詩詩有不得盡言言有不得  
盡意僕少負不羈長逾虛誕讀書頗存涉獵學劍  
不待窮工進不能矯翰龍雲退不能棲神豹霧撫  
循諸已深覺勞生而太夫人在堂義須捧檄因仰  
長安而就日赴帝鄉以望雲雖文闕三冬而書勞  
十上嗟乎入門自媚誰相謂言致使君門隔於九

重中堂遠於千里既而交非得免路是亡羊敬止  
弊廬竭來初服遂得載披玉葉款洽金蘭傾意氣  
於一言締風期於千祀雖交因氣合資得意以敦  
交道契言忘少寄言而筌道是以輕投木李以代  
踈麻章句繁蕪心神媿慙庶瞻雅韵貯辱報章則  
紫曜連星開龍文於劍匣素輝虧月領驪頷於珠  
胎云爾

日觀鄰全趙星臨俯舊吳高津開巨浸稽阜鎮名都紫

雲浮劍匣青山孕寶符封疆恢霸道問鼎競雄圖神光  
包四大皇威震八區風煙通地軸星象正天樞天樞限  
南北地軸殊鄉國闢門通舜賓比屋封堯德言謝垂鈞  
隱來參負鼎職天子不見知羣公詎相識未展從東駿  
空戢圖南翼時命欲何言撫膺長嘆息嘆息將如何遊  
人意氣多白雪梁山曲寒風易水歌泣魏傷吳起思趙  
切廉頗淒斷韓王劍生死翟公羅羅悲翟公意劍負韓  
王氣驕餌去易論忌途良可畏夙昔懷江海平生混溼

渭千載契風雲一言忘賤貴去去訪林泉空谷有遺賢  
言投爵里刺來泛野人船締交君贈縞投分我忘筌成  
風郢匠斲流水伯牙弦牙弦忘道術漳濱恣閑逸聊安  
張蔚廬詎掃陳蕃室虛室狎招尋敬愛混浮沉一諾黃  
金信三復白珪心霜松貞雅節月桂朗冲襟靈臺萬頃  
濬學府九流深談玄明毀壁拾紫陋籬金鷲濤開碧海  
鳳彩綴詞林林虛星華映水澈霞光淨霞水兩分紅川  
源四望通霧卷天山靜煙消太史空鳥聲流向一作薄

蝶影亂芳叢柳陰低槩

一作  
塹

水荷氣上薰風風月芳菲

節物華紛可悅將歡促席賞遽爾又歸別積水帶吳門

通波連禹穴贈言雖欲盡機心庶應絕潘岳本自閑梁

鴻不因熱一瓢欣狎道

一作  
適

三月聊棲拙棲拙隱金華

狎道訪仙查放曠愚公谷消散野人家一頃南山且五

色東陵瓜野衣栽薜葉山酒酌藤花白雲離望遠青谿

隱路賒儻憶幽巖桂猶冀折踈麻

在江南贈宋五之問



井絡雙源濬潯陽九派長淪

一作輪

波通地穴輸委下歸

塘別島籠朝蜃連洲擁夕漲

一作陽

韞珠澄

一作成

積潤讓

辟動浮光浮光凝折水積潤踈圓吐玉輪涵地開劍閣

一作匣

連星起風煙標迴秀英靈信多美懷德踐遺芳

又作匣  
端操慙謀已謀已謬觀光牽迹強悽惶揆拙迷三省勞

生昧

一作暗

兩忘彈隨

一作冠

空被笈獻楚自多傷一朝殊

默語千里易

一作異

炎涼炎涼幾遷貿川

一作水

陸疲臻湊

積水架吳濤連山橫楚岫風月雖殊昔星河猶是舊姑

蘇望南浦邯鄲通北走北走平生親南浦別離津瀟湘

一起忽洞庭多苦辛秋江無綠芷寒汀有白蘋采之一作

采將何遺故人漳水濱漳濱已遼遠江潭未旋返為聽

短歌行當想一作憶長洲苑露金熏菊岸風佩搖蘭坂蟬

鳴稻葉秋雁起蘆花晚秋一作秋天雲日明亭臯風霧一作

露清獨負平生氣重一作空牽搖落情占星非聚德夢月

詎懸名寂寥傷楚奏淒斷泣秦聲秦聲懷舊里楚奏悲

無已郢路少知音叢臺富竒士溫輝凌愛日壯氣驚寒

水一顧重風雲三冬足文史文史盛紛綸京洛多風塵

猶輕

一作由來

五車富未重一囊貧李仙非

一作悲

易託蘇鬼

尚

一作曲

難因不惜勞歌盡誰為聽陽春

### 晚憇田家

轉蓬勞遠役披薜下田家山形類九折水勢急三巴懸  
梁接斷岸澀路擁崩查霧巖淪曉魄風淑漲寒沙心迹  
一朝舛關山萬里賒龍章徒表越閩俗本殊華旅行悲  
勞一作泛梗離贈折踈麻唯有寒潭菊獨似故園花

出石門

層巖遠接天絕嶺上棲煙松低輕蓋偃藤細弱絲

一作鉤

懸石明如挂鏡苔分似列錢暫策為龍杖何處得神仙

至分陝

陝西開勝壤召南分沃疇列樹巢維鵠平渚下睢鳩  
憇棠疑勿剪曳葛似攀樛至今王化美非獨在隆周

寓居洛濱對雪憶謝二

一作洛濱對雪  
憶謝二兄弟

旅思眇難裁衝飈恨易哀曠望洛川晚飄飄瑞雪來積

彩明書幌流韵繞

一作響

琴臺色奪迎仙羽花避犯霜梅

謝庭賞方逸衣扉掩未開高人儻有訪興盡詎須回

北眺春陵

攬轡疲宵邁驅馬倦晨興既出封泥谷還過避雨陵山  
行明照上谿宿密雲登高徒欲賦詞殫獨撫膺

夏日遊目聊作

暫屏囂塵累言尋物外情致逸心逾默神幽體自輕浦  
夏荷香滿田秋麥氣清詎假滄浪上將濯楚臣纓

同崔駙馬曉初登樓思京

麗譙通四望，繁憂起萬端。  
綺疏低晚魄，鏤檻肅初寒。  
白雲鄉思遠，黃圖歸路難。  
唯餘西向笑，暫似當長安。

月夜有懷簡諸同病

閒庭落景盡疎簾，夜月通山靈響似應。  
水淨望如空樓，枝猶繞鵲遵渚。  
未來鴻可歎，高樓婦悲思。  
香難終。

叙寄員半千

薄宦三河道，自負十餘年。  
不應驚若厲，祇為直如弦。  
坐

歷山川險吁嗟陵谷遷長吟空抱膝短翮詎冲天魂歸  
滄海上望斷白雲前釣名勞拾紫隱迹自談玄不學多  
能聖徒思鴻寶仙斯志良難已此道豈徒然嗟為刀筆  
吏恥從繩墨牽岐路情雖狎人倫地本偏長揖謝時事  
獨往訪林泉寄言二三子生死不來旋

詠懷古意上裴侍郎

三十二餘罷鬢是潘安仁四十九仍入年非朱買臣縱  
橫愁繫越坎壈倦遊秦出籠窮短翮委轍涸枯鱗窮經

一作  
磨鋸

不需用彈缺欲誰申天子未驅策歲月幾沉淪輕

生長慷慨效死獨殷勤徒歌易水客空老渭川人一得  
視邊塞萬里何苦辛劍匣胡霜影弓開漢月輪金刀動  
秋色鐵騎想風塵為國堅誠款捐軀忘賤貧勒功思比  
憲決略暗欺陳若不犯霜雪虛擲玉京春

春夜韋明府宅宴得春字

酌桂陶芳夜披薜嘯幽人雅琴馴魯

一作  
野

雉清歌落范

一作  
梁

塵宿雲低迴蓋殘月上虛輪幸此承恩洽聊當故



鄉春

過張平子墓

西鄂該通理南陽擅德音  
玉卮浮藻麗銅渾積思深  
忽懷今日昔非復昔時  
今日落豐碑晴風來古木  
吟惟歎窮泉下終鬱羨魚心

從軍中行路難二首

一作行軍軍中行路  
難一作軍中行路難

君不見封狐雄虺自成羣  
馮深負固結妖氛  
玉璽分兵徵惡少  
金壇受律勸一作將軍  
將軍將軍擁旄宣廟略  
戰士

橫行

一作戈

靜夷落長驅一息背銅梁直指三巴登劍閣

閣道岩堯起戍樓劍門遙裔俯靈丘卽關九折無平路

江水雙源有急流征役無期返他鄉歲華晚杳杳丘陵

出蒼蒼林薄遠途危紫蓋峰路澀青泥坂去去指哀牢

行行入不毛絕壁千里

一作重

險連山四望高中外分區

宇夷夏殊風土交趾枕南荒昆彌臨北戶川原統

一作饒

毒霧溪谷多淫雨行潦四時流崩杳千歲古漂梗飛蓬

不自安捫藤引葛度危巒昔時聞道從軍樂今日方知

行路難滄江綠水東流駛炎洲丹徼南中地南中南斗  
映星河秦川秦塞阻煙波三春邊地風光少五月瀘中  
瘴癘多朝驅疲斥候夕息倦樵歌向月彎籛弱連星轉  
太阿重義輕生懷一顧東伐西征凡幾度夜夜朝朝斑  
鬚新年年歲歲戎衣故灞城隅滇池水天涯望轉積地  
際行無已徒覺炎涼節物非不知關山千萬里棄置勿  
重陳征行多苦辛且悅清笳揚柳曲詎憶芳園桃李人  
絳節朱旗分白羽丹心白刃酬明主但令一被君王知

誰憚三邊征戰苦行路難

一本下有行路難岐路字

幾千端無復歸

雲憑短翰空餘望日想長安

一本無空餘二字此篇一本作辛常伯詩

君不見玉關塵色暗邊庭銅鞮雜虜寇長城天子按劍

徵餘勇將軍受脤事橫行七德龍韜開玉帳千里鼉鼓

壘

一作千重龜壘動

金鉦陰山苦霧埋高壘交河孤月照連營

連營去去無窮極擁旆遙遙過絕國陣雲朝結晦天山

寒沙夕漲迷疎勒龍鱗水上開魚貫馬首山前振雕翼

長驅萬里驚初連分麾三命武功宣百發烏號遙碎柳

七尺龍文迴照蓮春來秋去移灰琯蘭閨柳市芳塵斷  
雁門迢遞尺書稀鴛被相思雙帶緩行路難行路難誓  
令氛浸靜臯蘭但使封侯龍額貴一作頗隨中婦鳳樓

寒

同辛常伯作

帝京篇

山河千里國城闕九重門不覩皇居壯安知天子尊皇  
居帝里峻函谷鶻野龍山侯甸服五緯連影集星躔八  
水分流橫地軸秦塞重關一百二漢家離宮三十六桂

殿嶽

一作陰

岑

一作峯

對玉樓椒房窈窕連金屋三條九陌

麗

一作鳳

城隈萬戶千門平旦開複道斜通鳩鵲觀交衢

直指鳳凰臺劍履南宮入簪纓北闕來聲名冠寰宇文

物象昭回鉤陳肅蘭祀璧沼浮槐市銅羽

一作雀

應風回

金莖承露起枝文天祿閣習戰昆明水朱邱抗

一作接

平

臺黃扉通戚里平臺戚里帶崇墉炊

一作灼

金饌玉待鳴

鐘小堂綺帳三千戶大道青樓十二重寶蓋雕鞍金絡

馬蘭窗繡柱玉盤龍繡

一作綺

柱璇題粉

一作彩

壁映鏤金

鳴玉王侯盛，王侯貴人多。近臣朝遊北里暮，南鄰陸賈

分金將讌喜，陳遵投轄正。

一作尚

留賓趙李經過密，蕭朱

交結親丹鳳，朱城白日暮。

一作青牛

紺幪紅塵度，俠客

珠彈垂揚道，倡婦銀鉤采桑路。倡家桃李自芳

一作芬非

京華遊俠盛

一作事

輕肥延年女弟雙鳳

一作飛

入羅敷使

君千騎歸同心，結縷帶連理。織成衣春朝，桂尊尊百味。

秋夜蘭燈燈九微，翠幌珠簾不獨映。清歌寶瑟首相依。

且論三萬六千

一作二八千金

是寧知四十九年非古來榮

一作名

利若浮雲人生倚伏信難分始見田實相移奪

一作俄  
傾代

聞衛霍有功勲未厭金陵氣先開石柳文朱門無復張

公子灞亭誰畏李將軍相顧百齡皆有待居然萬化成

應改桂枝芳氣已銷亡栢梁高宴今何在春去春來苦

自馳爭名爭利徒爾為久留郎署終難遇空掃相門誰

見知

紀事無春  
去四句

當時

一作  
莫矜

一旦擅豪華自言千載長驕奢

倏忽搏風生羽翼須臾失浪委泥沙黃雀

一作  
鶴

徒巢桂

一作  
柱

青門遂種瓜黃金銷鑠素絲變一貴一賤交情見



紅顏宿昔白頭新  
脫粟布衣輕故人  
故人有湮淪  
新知無意氣  
灰死韓安國  
羅傷翟廷尉  
已矣哉  
歸去來  
馬卿辭蜀多文藻  
揚雄仕漢乏良媒  
三冬自矜誠  
足用十年不調  
幾遭回  
汲黯新逾積  
孫宏閣未開  
誰惜長沙傅

一作

賦  
獨負洛陽才

疇昔篇

少年重英俠  
弱歲賤衣冠  
既託寰中賞  
方承膝下歡  
邀遊灞水

一作陵

曲風月洛城端  
且知無玉饌  
誰肯逐金丸

金丸玉饌盛繁華，自言輕侮季倫家。五霸爭馳千里馬。

三條競鶩七香車，掩映飛軒乘落一作夜照。參差步障引

列一作朝霞。池中舊水如懸鏡一作涵屋裏新粧不讓花。

意氣風雲倏如昨，歲月春秋一作歲屢回薄。上苑頻經

柳絮飛中園，幾見一作梅花落。當時門客今何在，疇昔

交朋一作遊已踈索。莫一作不教憔悴損容儀，會得一作在高

秋雲霧廓淹，留坐帝鄉無事積一作度炎涼一朝披短褐。

六載奉長廊一作賦賦文慙昔馬執戟一作暮歎前揚揮。

戈出武帳荷筆入文昌文昌隱隱皇城裏由來奕奕多

才子潘陸詞鋒駱

一作絡

驛飛張曹翰

一作曹張文

苑縱橫起

卿相未曾識王侯寧見擬垂釣甘成白首翁

一作徒勞倦負

薪何處逢知己判

一作誰

將運命賦窮通從來奇

一作命舛

任西東不應

一作豈教

永棄同芻狗且復飄飄類轉蓬容

一作

客鬢年年異春華歲歲同榮親未盡禮徇主欲申功脂

車秣馬辭鄉

一作京

國縈

一作策

轡西南使叩棘玉壘銅梁

不易攀地角天涯眇難測鶯囀蟬吟

一作鳴

有悲望鴻來

雁度無音息陽關積霧萬里昏劍閣連山千種色蜀路

何悠悠岷峰阻且修回腸隨九折迸淚連一作雙流寒

光一作雲千里暮露氣二江秋長途看東一作策馬平水且

沉牛華陽舊地標神制石鏡蛾眉真一作偏秀麗諸葛才

雄已號龍公孫躍馬輕稱帝五丁卓犖多奇力四士英

靈富一作用文藝雲氣橫開八陣形橋影遙分七星勢川

平煙霧開遊戲錦城隈墉一作塙高龜望出一作步轉水淨雁

文回尋妹入酒肆訪客上琴臺不識金貂重偏惜玉山

顏他鄉冉冉消年月帝里沈沈限一作悠悠恨城闕不見猿

聲助客啼唯聞旅思將花發我家迢遞關山裏關山迢

遞不可越故園梅柳尚餘春一作有餘來時一作春來勿使芳菲

歇解鞅一作扶欲言歸執袂愴多違北梁俱握手南浦共

沾衣別情傷去蓋離念惜徂一作光輝知音何所托木落

雁南飛回來望一作卧平陸春來酒應熟相將茵閣卧一作

望青溪一作沂且用藤杯泛黃菊十年不調一作達為貧賤

百日屢遷隨倚伏祇為須求負郭田使我再干州縣一作

卽祿百年鬱鬱少騰遷萬里遙遙一作入鏡川淡  
吳

江沸潮衝白日一作浪淮海長波接遠天叢竹凝朝露孤

山起暝煙賴有邊城月常伴一作客旌懸東南美箭稱

吳會名都隱軫三江外塗山執玉應昌期一作朝曲水開

襟重文會仙鏞流音鳴鶴嶺寶劍分輝落蛟瀨未省白

馬對蘆芻且覺浮雲似車蓋江南節序多文酒屢經過

共一作莫踏春江曲俱一作但唱采菱歌舟移疑入鏡棹舉

若乘波風光無限極一作數歸檝礙池荷眺聽烟霞正流

晒即從王事歸，臚轉芝田花月一作發。屢裴回金谷佳期。

重遊行登高北望一作南道。嗤梁叟憑軾西征，想潘掾峯開。

華岳聳疑蓮水激，龍門急如箭。人事謝光陰，俄遭霜露。

侵偷存七尺影，分沒九泉深。窮途行泣玉，憤路未藏金。

茹荼空一作徒。有歎懷橘獨傷心，年來歲去成銷鑠。懷抱

心期漸寥落，挂冠裂冕已辭榮。南畝東臯事耕鑿，賓階

客院常疏散。蓬徑柴扉終寂寞，自有林泉堪隱棲。何必

山中事丘壑，我住青門外。家臨素滻濱，遙瞻丹鳳闕。斜

望黑龍津荒衢通獵騎窮巷抵樵輪時有桃源客來訪

竹林人昨夜琴聲奏悲調旭旦含顰不成一作笑果乘

驄馬發驚書復道郎官稟綸誥一作治長非罪曾繆綬

長孺然灰也經溺高一作門有閱不圖封峻筆無聞斂

敷妙適離京兆謗還從御史一作彈炎威資一作夏景

平曲况秋翰畫地終難入書空自不安吹毛未一作可

待搖尾且求食丈夫坎壈多愁疾契濶迤邐盡今日慎

罰寧憑兩造辭嚴科直挂三章律鄒衍銜悲繫燕獄李



斯抱怨拘秦桎

一作格

不應白髮頓成絲直為黃沙暗如

漆紫禁終難叫朱門不易

一作可

排驚魂聞葉落危魄逐

輪埋霜威遙有厲雪杜遂

一作枉更

無階含冤欲誰道飲氣

獨居懷忽聞驛使發關東傳道天波萬里通涸鱗去輟

還遊

一作先遊

海幽禽釋網便

一作更

翔空舜澤堯曠方有極

讒言巧佞儻無窮誰能跼迹

一作踏

依三輔會就商山訪

四翁

豔情代郭氏答盧照隣

迢迢芊

一作芊

路望芝田眇眇函關恨

一作限

蜀川歸雲已

落涪江外還雁應過洛水瀍洛水傍連帝城側帝宅層  
夢垂鳳翼銅駝路上柳千條金谷園中花幾色柳葉園  
花處處新洛陽桃李應芳春妾向雙流窺石鏡君住三  
川守玉人此時離別那堪道此日空牀對芳沼芳沼徒  
遊比目魚幽徑還生拔心草流風回雪儻便娟驥子魚  
文實可憐擲果河陽君有分貨一作賣酒成都妾亦然莫  
言貧賤無人重莫言富貴應須種綠珠猶得石崇憐飛

燕曾經漢皇寵良人何處醉縱橫直如循默守空名倒  
提新縑成慊慊翻將故劍作平平離前吉夢成蘭北別  
後啼痕上竹生別日分明相約束已取宜家成誠最當  
時擬弄掌中珠豈謂先推庭際玉悲鳴五里無人問腸  
斷三聲誰謂續思君欲上望夫臺端居懶聽將雛曲沈  
沈落日向山低簷前歸燕竝頭栖抱膝當窓看夕兔側  
耳空房聽曉雞舞蝶臨階祇自舞啼鳥逢人亦助啼獨  
坐傷孤枕春來悲更甚峨眉山上月如眉濯錦江中霞

似錦錦字回文欲贈君劍壁層峰自糾紛平江淼淼分  
清浦長路悠悠間白雲也知京洛多佳麗也知山岫遙  
虧蔽無那短封即踈索不在長情守期契傳聞織女對  
牽牛相望重河隔淺流誰分迢迢經兩歲誰能脉脉待  
三秋情知唾井終無理情知覆水也難收不復下山能  
借問更向盧家字莫愁

代女道士王靈妃贈道士李榮

玄都五府風塵絕碧海三山波浪深桃實千年非易待

桑田一變已難尋，別有仙居對三市。金闕銀宮相向起，  
臺前鏡影伴仙娥。樓上簫聲隨鳳史，鳳樓迢遞絕塵埃。  
鶯時物色正，裊回靈芝紫。檢參差，長仙桂，丹花重疊開。  
雙童綽約時遊陟，三鳥聯翩報消息。盡言真侶出遨遊，  
傳道風光無限極。輕花委砌惹裾香，殘月窺窗覘幌色。  
箇時無數併妖妍，箇裏無窮總可憐。別有衆中稱黜帝，  
天上人間少流例。洛濱仙駕啟遙源，淮浦靈津符遠策。  
自言少小慕幽玄，只言容易得神仙。珮中邀勒經時序，

簫裏尋思復幾年尋思許事真情變二八容華識少選  
漫道燒丹止七飛空傳化石曾三轉寄語天上弄機人  
寄語河邊值查客乍可怱怱共百年誰使遙遙期七夕  
想知人意自相尋果得深心共一心一心一意無窮已  
投漆投膠非足擬只將羞澀當風流持此相憐保終始  
相憐相念倍相親一生一代一雙人不把丹心比玄石  
惟將濁水沉清塵只言柱下留期信好欲將心學松蘿  
不能京兆畫蛾眉翻白成都騁騶引青牛紫氣度靈關

尺素絕鱗去不還連苔上砌無窮綠修竹臨壇幾處斑  
此時空牀難獨守此日別離那可久梅花如雪柳如絲  
年去年來不自持初言別在寒偏在何悟春來春更思  
春時物色無端緒雙枕孤眠誰分許分念嬌鶯一種啼  
生憎燕子千般語朝雲旭日照青樓暉暉麗色滿皇州  
落花泛泛浮靈沼垂柳長長拂御溝御溝大道多奇賞  
俠客妖容遞來往寶騎連花鐵作錢香輪驚水珠為網  
香輪寶騎競繁華可憐今夜宿娼家鸚鵡杯中浮竹葉

鳳凰琴裏落梅花許輩多情偏送款為問春花幾時滿  
千回鳥信說衆諸百過鶯啼說長短長短衆諸判不尋  
千回百過浪關心何曾舉意西鄰玉未肯留情南陌金  
南陌西鄰咸自保還纒歸期須及早為想三春狹斜路  
莫辭九折卍關道假令白里似長安須使青牛學劍端  
蘋風入馭來應易竹杖成龍去不難龍颺去去無消息  
鸞鏡朝朝減容色君心不記下山人妾欲空期上林翼  
上林三月鴻欲稀華表千年鶴未歸不分淹留桑路待



紙應直取桂輪飛

御定全唐詩卷七十七

欽定四庫全書

御定全唐詩卷七十八

駱賓王

從軍行

平生一顧重

一作念

意氣溢三軍  
棼日分戈影  
天星合劍

文弓弦抱漢月馬足踐胡塵  
不求生入塞唯當死報君

王昭君

一作昭君怨

斂容辭豹尾絨恨度龍鱗  
金鈿明漢月玉筋染胡塵  
古

一作  
妝

鏡菱花暗愁眉柳葉顰唯有清笳曲時聞芳樹春

於紫雲觀贈道士

并序

余鄉國一辭江山萬里昔年離別還同塞北之鳧  
今日歸來即似遼東之鶴先生情均得兔忘筌之  
契已深路是亡羊分歧之恨逾切不題短什何汰  
衷襟

碧落澄秋景玄門啟曙關人疑列禦至客似令威還羽  
蓋徒欣仰雲車未可攀祇應傾玉醴時許寄顏顏

渡瓜步江

捧檄辭幽徑鳴榔下貴

一作遺

洲驚濤疑躍馬積氣似連

牛月迴寒沙淨風急夜江秋不學浮雲影他鄉空

一作容

滯留

途中有懷

睠然懷楚秦悵矣背秦關涸鱗驚照

一作照

轍墜羽怯虛

彎素服三川化烏裘十上還莫言無皓齒時俗薄朱顏

至分水戍

行役忽離憂復此愴分流  
濺石回湍咽縈叢曲澗幽  
陰巖常結晦宿莽競含秋  
況乃霜晨早寒風入戍樓

望鄉夕泛

歸懷剩不安促榜犯風瀾  
落宿含樓近浮月帶江寒  
喜逐行前至憂從望裏寬  
今夜南枝鵲應無繞樹難

久客臨海有懷

天涯非日觀地圯望星樓  
練光搖亂馬劍氣上連牛  
草濕姑蘇夕葉下洞庭秋  
欲知悽斷意江上涉安流

遊兗部逢孔君自衛來欣然相遇若舊

遊人自衛返背客隔淮來傾蓋金蘭合忘筌玉葉開繁  
花明日柳疎蕊落風梅將期重交態時慰不然灰

西京守歲

閒居寡言宴獨坐慘風塵忽見嚴冬盡方知列宿春夜  
將寒色去年共曉光新耿耿他鄉夕無由展舊親

同辛簿簡仰酬思玄上人林泉四首

聞君招隱地髣髴武陵春緝芟知還楚披榛似避秦崩

查年祀積幽草歲時新一謝滄浪水安知有逸人

芳晨臨上月幽賞狎中園有蝶堪成夢無羊可觸藩忘  
懷南澗藻蠲思北堂萱坐歎華滋歇思君誰為言

林泉恣探歷風景暫爽回客有遷鶯處人無結駟來聚  
花如薄雪沸水若輕雷今日徒招隱終知異鑿坏

俗遠風塵隔春還初服遲林疑中散地人似上皇時芳  
杜湘君曲幽蘭楚客詞山中有春草長似寄相思

秋日餞陸道士陳文林

并序



陸道士將遊西輔通莊指浮氣之關陳文林言返  
東吳修途走落星之浦於是維舟錦水藉蘭若以  
開筵緘騎金堤泛榴花於祖道于時赤煙沈節青  
女司晨霜雁銜蘆舉賓行而候氣寒蟬噪柳帶涼  
序以含情加以山接太行聳羊腸而飛蓋河通少  
海疏馬頰以開瀾登高切送歸之情臨水感逝川  
之歎既而嗟別路之難駐惜離尊之易傾雖漆園  
筌蹄已忘然一作言於道術而陟陽風雨尚抒情於

詠歌各賦一言同為四韵庶幾別後有暢離憂云

爾

青牛遊華嶽赤馬

一作鳥

走吳宮玉柱離鴻怨金壘浮蟻

空日霽峻陵雨塵起洛陽風唯當玄度月千里與君同

送鄭少府入遼共賦俠客遠從戎

邊烽警榆塞俠客渡桑乾柳葉開銀鏑桃花照玉鞍滿  
月臨弓影連星入劍端不學燕丹客空歌易水寒

送費六還蜀

星樓望蜀道月峽指吳門萬行流別淚九折切驚魂雪  
影含花落雲陰帶葉昏還愁三徑晚獨對一清尊

秋日送侯四得彈字

我留安豹隱君去學鵬搏歧路分襟易風雲促膝難夕  
漲流波急秋山落日寒惟有思歸引悵斷為君彈

秋日送尹大赴京

并序

尹大官三冬道暢指蘭臺而拾青薛六郎四海情  
深飛桂尊而舉白于時兔苑東上龍火西流劍彩

沈波碎楚蓮於秋水金輝照岸秀陶菊於寒堤既  
切送歸之情彌軫窮途之感重以清江帶地聞吳  
會於星津白雲在天望長安於日路人之情也能  
不悲乎雖道術相望叶神交於靈府而風煙懸隔  
貴中心於翰林請振詞鋒用開筆海人為四韵用  
慰九秋

挂瓢余隱舜負鼎爾干湯竹葉離樽滿桃花別路長  
低河耿秋色落月抱寒光素書如可嗣幽谷好賓行

秋夜送閻五還潤州

并序

閻五官言返維桑修途指金陵之地李六郎交深  
投漆開筵浮白玉之尊于時璧彩澄虛漏輕光於  
雲葉珪陰散迴搖碎影於風梧雖桂醕蘭缸暫淹  
留於一夕而青山黃鶴將惆悵於九秋請勒四言  
俱伸五際

通莊抵舊里溝水泣新知斷雲飄易滯連露積難披素

風啼

一作翻

迴堞驚月繞疎枝無力勵短翰輕舉送長離

送王明府參選賦得鶴

振衣遊紫府飛蓋背青田  
虛心恒警露孤影尚凌煙  
離歌悽妙曲別操繞籛弦  
在陰如可和清響會聞天

秋日送別

寂寥心事晚搖落歲時秋  
共此傷年髮相看惜去留  
當歌應破涕哀命返窮愁  
別後能相憶東陵有故侯

別李嶠得勝字

芳尊徒自滿別恨轉難勝  
客似遊江岸人疑上灞陵  
寒

更承夜永涼景向秋澄離心何以贈自有玉壺冰

在兗州餞宋五之問

淮沂泗水地梁甫汶陽東別路青驪遠離尊綠蟻空柳  
寒凋密翠棠晚落疎紅別後相思曲悵斷入琴風

遊靈公觀

靈峰一作標勝境一作神府枕通川玉殿斜連漢金堂

迴架煙斷風疎晚竹流水切危弦別有青門外空懷玄

圃仙

夏日遊山家同夏少府

返照下層岑物外狎招尋  
蘭徑薰幽珮槐庭落暗金  
谷靜風聲徹山空月色深  
一遣樊籠累唯餘松桂心

初秋登王司馬樓宴得同字

并序

司馬公千里騰光翼外臺而展足九日多暇敞麗  
譙以開筵于時葭散秋灰檀移夏火鴻飛漸陸流  
斷吹以來寒鶴鳴在陰振中天而警露于是脩開  
玉饌交雜佩而薰蘭酒泛金翹映清尊而湛菊雖



傍臨廣派有異章渠之遊而俯瞰崇墉雅叶城隅  
之會物色相名江山助人請振翰林用濡筆海云

爾

展驥端居暇登龍喜

一作嘉

宴同締賞三清滿承歡六義

通野晦寒陰積潭虛夕照空顧慙非夢鳥濫此厠雕蟲

初秋於竇六郎宅宴

并序

六郎道合采葵嘯懸鵝而契賞諸君情諧伐木仰  
登龍以締歡于時一葉驚寒下陳柯而捲翠百花

凝照澹虛牖以披紅既而俱欣得兔之情共掩七  
羊之淚物我雙致匪石席以言蘭心口兩齊混汗  
隆而酌桂雖忘筌戴笠興交態於靈臺而搦管操  
觚叶神心於勝氣盍陳六義詩賦一言即事凝毫  
成者先唱云爾

千里風雲契一朝心賞同意盡深交合

一作通家冷

神靈俗

累空草帶

一作砌

銷寒翠花枝發

一作缸斂

夜紅唯將澹若水

長揖古人風

冬日宴

二三物外友一百杖頭錢  
賞洽袁公地情披樂令天  
促席纔觴滿當爐獸炭然  
何須攀桂樹逢此自留連

鏤雞子

幸遇清明節欣逢舊練人  
刻花爭臉態寫月競眉新  
暈罷空餘月詩成併道春  
誰知懷玉者含響未吟晨

詠美人在天津橋

美女出東鄰容與上天津  
整衣香滿路移步穢生塵  
水

下看妝影眉頭畫月新寄言曹子建箇是洛川神

送宋五之問得涼字

願言遊泗水支離去二漳道術君所篤筌蹄余自忘雪  
威侵竹冷秋爽帶池涼欲驗離襟切岐路在他鄉

憲臺出紮寒夜有懷

獨坐懷明發長謠苦未安自應迷北叟誰肯問南冠生  
死交情異殷憂歲序闌空餘朝夕鳥相伴夜啼寒

送郭少府探得憂字

開筵枕德水輟掉艤仙舟貝闕桃花浪龍門竹箭流當  
歌悽別曲對酒泣離憂還望青門外空見白雲浮

冬日過故人任處士書齋

神交尚投漆虛室罷遊蘭網積窗文亂苔深履跡殘雪  
明書帳冷水靜墨池寒獨此琴臺夜一作上流水為誰彈

送劉少府遊越州

一丘余枕石三越爾懷鈿離亭分鶴蓋別岸指龍川露  
下一作背夏蟬聲斷寒來一作來寒雁影連如何溝水上悽斷聽

離弦

賦得白雲抱幽石

一無賦  
得二字

重巖抱危石幽澗曳輕雲繞鎮仙衣動飄蓬羽蓋分錦  
色連花靜苔光帶葉熏詎知吳會影長抱穀城文

賦得春雲處處生

一無賦  
得二字

千里年光靜四望春雲生

一作  
暫

日祥光舉踈雲瑞葉

輕蓋陰籠迴樹陣影抱危城非將吳會遠飄蕩帝鄉情

在獄詠蟬

并序

余禁所禁垣西是法廳事也有古槐數株焉雖生  
意可知同殷仲文之古樹而聽訟斯在即周名伯  
之甘棠每至夕照低陰秋蟬踈引發聲幽息有切  
嘗聞豈人心異於曩時將蟲響悲於前聽嗟乎聲  
以動容德以象賢故潔其身也稟君子達人之高  
行蛻其皮也有仙都羽化之靈姿候時而來順陰  
陽之數應節為變審藏用之機有目斯開不以道  
昏而昧其視有翼自薄不以俗厚而易其真吟喬

樹之微風韻資天縱飲高秋之墜露清畏人知僕  
失路艱虞遭時徽纆不哀傷而自怨未搖落而先  
衰聞蟪蛄之流聲悟平反之已奏見螳螂之抱影  
怯危機之未安感而綴詩貽諸知己庶情沿物應  
哀弱羽之飄零道寄人知憫餘聲之寂寞非謂文  
墨取代幽憂云爾

西陸蟬聲唱南冠客思侵那堪玄鬢影來對白頭吟露  
重飛難進風多響易沉無人信高潔誰為表予心



詠水

列名通地紀疎派合天津波隨月色淨態逐桃花春照  
霞如隱石映柳似沈鱗終當挹上善屬意澹交人

同張二詠雁

唼藻滄江遠銜蘆紫塞長霧深迷曉景風急斷秋行陣  
照通宵月書封幾夜霜無復能鳴分空知愧稻梁

詠雪

龍雲玉葉上鶴雪瑞花新影亂銅烏吸光銷玉馬津合

輝明

一作朗

素篆隱迹表

一作奉

祥輪幽蘭不可儷徒自繞

陽春

詠雲酒

朔空曾紀歷帶地舊疏泉色泛臨碣瑞香流赴蜀仙款  
交欣散玉洽友悅沈錢無復中山賞空吟吳會篇

塵灰

洛川流雅韻秦道擅苛威聽歌梁上動應律管中飛光  
飄神女機影落羽人衣願言心未翳終冀效輕微

秋晨同淄川毛司馬秋九詠

秋風

紫陌炎氛

一作氣

歇青蘋晚吹浮亂竹搖踈影縈池織細

流飄香曳舞袖帶粉泛妝樓不分君恩絕紈扇曲中秋

秋雲

南陸銅渾改西郊玉葉輕泛斗瑤光動

一作暗

臨陽瑞色

明蓋陰連鳳闕陣影翼龍城詎知時不遇空傷流滯情

秋蟬

九秋行已暮一枝聊暫安  
隱榆非諫楚噪柳異悲潘  
分形妝薄鬢鏤影飾危冠  
自憐踈影斷寒林夕吹寒

秋露

玉關寒氣早金塘秋色

一作氣

歸泛掌光逾淨添荷

一作河

滴尚微變霜凝曉液承月  
委圓輝別有吳臺上應濕楚  
臣衣

秋月

雲披玉繩淨月

一作桂

滿鏡輪

一作光

圓裏露珠暉

一作朱花

冷

凌霜桂影

一作  
執扇

寒漏彩含疎薄浮光漾急瀾西園徒自

賞南飛終未安

秋水

貝

一作  
金

闕寒流徹玉輪秋浪清圖雲錦色淨寫月練花

明泛曲鶻弦動隨軒鳳轄驚唯當御溝上悽斷送歸情

秋螢

玉虬分靜夜金螢照晚涼含輝疑泛月帶火怯凌霜散  
彩縈虛牖飄花繞洞房下帷如不倦當解惜餘光

秋菊

擢秀三秋晚開芳十步中分黃俱笑日含翠共搖風碎  
影涵流動浮香隔岸通金翹徒可泛玉笋竟誰同

秋雁

聯翩辭海曲遙曳指江干陣去金河冷書歸玉塞寒帶  
月凌空易迷煙逗浦難何當同顧影刷羽泛清瀾

樂大夫挽詞五首

可歎浮生促吁嗟此路難丘陵一起恨言笑幾時懽蕭

索郊埏晚荒涼井徑寒誰當門下客獨見有任安

蒿里誰家地松門何代丘百年三萬日一別幾千秋  
返照寒無影窮泉凍不流居然同物化何處欲藏舟

昔去梅笳發今來薤露晞彤駟朝帝闕丹旌背王畿  
城郭猶疑是原陵稍覺非九原如可作千載與誰歸

一旦先朝茵千秋掩夜臺青鳥新兆去白馬故人來  
草露當春泣松風向暮哀寧知荒隴外弔鶴自裴回

忽見泉臺路猶疑水鏡懸何如開白日非復覩青天  
華

表迎千歲幽局送百年獨嗟流水引長掩伯牙弦

丹陽刺史挽詞三首

百齡嗟倏忽一旦向

一作附

山阿丹桂銷已

一作亡

盡青松

哀更

一作思

多薰風虛聽曲薤露反成歌自有藏舟處誰

憐隙駟過

惻愴桓山羽留連棗萼篇佳城非舊日京兆即新阡城  
郭三千歲丘陵幾萬年唯餘松栢壠朝夕起寒煙

短歌三獻曲長夜九泉臺此室玄局掩何年白日開荒



郊踈古木寒隧積陳亥獨此傷心地松聲薄暮來

稱心寺

征帆恣遠尋逶迤過稱心凝滯蘆葦岸汭澗植袖林穿  
漱不厭曲艤潭惟愛深為樂凡幾許聽取舟中琴

陪潤州薛司空丹徒桂明府遊招隱寺

共尋招隱寺初識戴顓家還依舊泉壑應改昔雲霞綠  
竹寒天笋紅蕉臘月花金繩倘留客為繫日光斜

御定全唐詩卷七十八

欽定四庫全書

御定全唐詩卷七十九

駱賓王

棹歌行

寫月塗黃罷，凌波拾翠通。  
鏡花搖芰日，衣麝入荷風。  
葉密舟難蕩，蓮疎浦易空。  
鳳媒羞自托，鴛翼恨難窮。  
秋一作

愁  
帳燈華一作翠  
倡樓粉色紅  
相思無別曲  
併在棹歌

中

海曲書情

薄遊倦千里勞生負百年未能槎上漢詎肯劍遊燕白  
雲照春海青山橫曙天江濤讓雙壁渭水擲三錢坐惜  
風光晚長歌獨塊然

蓬萊鎮

旅客春心斷邊城夜望高野樓疑海氣白鷺似江濤結  
綬疲三入承冠泣二毛將飛憐弱羽欲濟乏輕舸賴有  
陽春曲窮愁且代勞

和李明府

傳聞葉縣履飛向洛陽城馳道臨層掖津門對小平霞  
殘疑製錦雲度似飄纓藻挾潘江澈塵虛范甑清詎憐  
衝斗氣猶向匣中鳴

春晚從李長史遊開道林故山

幽尋極幽壑春望陟春臺雲光棲斷樹霞影入仙杯古  
藤依格上野徑約山隈落葉翻風去流鶯滿樹來興闌  
荀御動歸路起浮埃

冬日野望

故人無與晤安步陟山椒野靜連雲卷川明斷霧銷靈  
巖聞曉籟洞浦漲秋潮三江歸望斷千里故鄉遙勞歌  
徒自奏客魂誰為招

晚渡黃河

千里尋歸路一葦亂平源通波連馬頰迸水急龍門照  
日榮光淨驚風瑞浪翻棹唱臨風斷樵謳入聽喧岸迴  
秋霞落潭深夕霧繁誰堪逝川上日暮不歸魂

宿山莊

金陵一超忽玉燭幾還周露積吳臺草風入郢門楸林  
虛宿斷霧磴險挂懸流拾青非漢策化緇類秦裘牽迹  
猶多蹇勞生未寡尤獨此他鄉夢空山明月秋

晚度天山有懷京邑

忽上天山路依然想物華雲疑上苑葉雪似御溝花行  
歎戎麾遠坐憐衣帶賒交河浮絕塞弱水浸流沙旅思  
徒漂梗歸期未及瓜寧知心斷絕夜夜泣胡笳

夕次蒲類津

一作晚泊蒲類

二庭歸望斷萬里客心愁  
山路猶南屬河源自北流  
晚風連朔氣新月照邊秋  
竈火通軍辟烽煙上戍樓  
龍庭但苦戰燕頤會封侯  
莫作蘭山下空令漢國羞

遠使海曲春夜多懷

長嘯三春晚端居百慮盈  
未安胡蝶夢遽切魯禽情  
別島連寰海離魂斷戍城  
流星疑伴使低月似依營  
懷祿寧期達牽時匪狗名  
艱虞行已遠時一作昧迹自相驚



早發諸暨

征夫懷遠路，夙駕上危巒。  
薄煙橫絕巘，輕凍澁回湍。  
野霧連空暗，山風入曙寒。  
帝城臨灞浹，禹穴枕江干。  
橘性行應化，蓬心去不安。  
獨掩窮途淚，長歌行路難。

望月有所思

九秋涼風

一作氣

肅千里，月華開圓光。  
隨露湛碎影，逐波

來似霜。明玉砌如鏡，寫珠胎。  
晚色依關近，邊聲雜吹哀。  
離居分照耀，怨緒共徘徊。  
自繞南飛羽，空忝北堂才。

送吳七遊蜀

日觀分齊壤，星橋接蜀門。  
桃花嘶別路，竹葉瀉離樽。  
夏

老

一作盡

蘭猶茂，秋深

一作新

柳尚繁。霧銷山望迥，風高野

聽喧。勞歌徒欲奏，贈別竟無言。  
唯有當秋月，空照野人園。

西行別東臺詳正學士

意氣坐相親，關河別故人。  
客似

一作自

秦川上，歌疑

一作從

易水濱。塞荒行辨玉，臺遠尚名輪。  
洩井懷邊將，尋源重

漢臣上苑梅花早御溝楊柳新  
只應持此曲別作邊城  
春

和王記室從趙王春日遊陀山寺

鳥旗陪訪道鷲嶺狎棲真  
四禪明淨業三空廣勝因  
祥河踈疊澗慧日皎重輪  
葉暗龍宮密花明鹿苑春  
彫談筌奧旨妙辯漱玄津  
雅曲終難和徒自奏巴人

夏日夜憶張二

伏枕憂思深擁膝獨長吟  
烹鯉無尺素筌魚勞寸心  
踈

麻空有折芳桂湛無斟廣庭含夕氣閉宇澹虛陰織蟲  
垂夜砌驚鳥棲暝林懽娛百年促羈病一生侵詎堪孤  
月夜流水入鳴琴

寒夜獨坐遊子多懷簡知己

故鄉眇千里離憂積萬端鷄服長悲碎蝸廬未卜安富  
鉤徒有想貧缺為誰彈柳秋風葉脆荷曉露文團晚金  
叢岸菊餘佩下幽蘭伐木傷心易維桑歸去難獨有孤  
明月時照客庭寒

在軍中贈先還知己

蓬轉俱行後，瓜時獨未還。  
魂迷金闕路，望斷玉門關。  
獻

凱多慙，霍論封

一作功

幾謝班風塵，催白首。歲月損紅顏。

落雁低秋塞，驚鳧起暝灣。  
胡霜如劍鏑，漢月似刀環。  
別後邊庭樹，相思幾度攀。

秋日山行簡梁大官

乘馬陟層阜，回首睇山川。  
攢峰銜宿霧，疊嶽架寒煙。  
百重含翠色，一道落飛泉。  
香吹分巖桂，鮮雲抱石蓮。  
地偏

心易遠致默體逾玄得性虛遊刃忘言已棄筌彈冠勞  
巧拙結綬倦牽纏不如從四皓丘中鳴一弦

晚泊江鎮

四運移陰律三翼泛陽侯荷香銷晚夏菊氣入新秋夜  
鳥喧粉堞宿雁下蘆洲海霧籠邊徼江風繞戍樓轉蓬  
驚別渚徙橘愴離憂魂飛灞陵岸淚盡洞庭流振影希  
鴻陸逃名謝蟻丘還嗟帝鄉遠空望白雲浮

浮槎

并序

遊目川上觀一浮槎泛泛然若木偶之乘流迷不  
知其所適也觀其根柢盤屈枝幹扶疎大則有棟  
梁舟楫之材小則有輪轅榱桷之用非夫稟乾坤  
之秀氣含宇宙之淳精孰能負凌雲際日之姿抱  
積雪封霜之骨向使懷材幽藪藏穎重巖絕望於  
巖廊之榮遺形於斤斧之患固可垂蔭萬畝懸映  
九霄與建木較其短長將大椿齊其年壽者而委  
根險岸託質畏途上為疾風衝飈所摧殘下為奔

浪迅波所激射基由壞括勢以地危豈盛衰之理  
繫乎時封植之道存乎我一墜泉谷萬里飄淪與  
波浮沉隨時逝止雖殷仲文歎生意已盡孔宣父  
知朽質難雕然而遇良工逢仙客牛礪可託玉璜  
之路非遙匠石先談萬乘之器何遠故材用與不  
用時也悲夫然知萬物之相應感者亦奚必同聲  
同氣而已哉感而賦詩貽諸同疾云爾

昔負千尋質高臨九仞峰真心凌晚桂勁節掩寒松忽



值風颺折坐為波浪衝摧殘空有恨擁腫遂無庸渤海  
三千里泥沙幾萬重似舟飄不定如梗泛何從仙客終  
難託良工豈易逢徒懷萬乘器誰為一先容

晚泊河曲

三秋倦行役千里泛歸潮通波竹箭水輕舸木蘭橈金  
隄連曲岸貝闕影浮橋水淨千年近星飛五老遙曼花  
開宿浪浮葉下涼颺浦荷疎晚葯津柳漬寒條恹惶勞  
梗泛悽斷倦蓬飄仙槎不可託河上獨長謠

早發淮口望盱眙

養蒙分四瀆習坎奠三荆  
徙帝留餘地封王表舊城  
岸昏涵蜃氣潮滿應雞聲  
洲迴連沙靜川虛積溜明  
一朝從捧檄千里倦懸旌  
背流桐柏遠逗浦木蘭輕  
小山迷隱路大塊切勞生  
唯有真心在獨映寒潭清

邊城落日

紫塞流沙北黃圖灞水東  
一朝辭俎豆萬里逐沙蓬  
候月恒持滿尋源屢鑿空  
野昏邊氣合烽迴戍煙通  
膂力

風塵倦疆場歲月窮  
河流控積石山路遠崆峒  
壯志凌蒼兕精誠貫白虹  
君恩如可報龍劍有雌雄

宿温城望軍營

虜地寒膠折邊城夜折聞  
兵符關帝闕天策動將軍塞  
一作戍靜胡笳徹沙明楚練分  
風旗翻翼影霜劍轉龍文

白羽搖如月青山斷若雲  
煙踈疑捲幔塵滅似銷氛  
投筆懷班業臨戎想顧勲  
還應雪漢恥持此報明君

過故宋

舊國千年盡荒城四望通雲浮非隱帝日舉類遊童綺  
琴朝化洽祥石夜論空馬去遙奔鄭蛇分近帶豐池文  
斂束水竹影漏寒叢園兔承行月川禽避斷風故宋誠  
難定從梁事未工唯當過周客獨愧吳臺空

邊夜有懷

漢地行逾遠燕山去不窮城荒猶築怨碣毀尚銘功古  
戍煙塵滿邊庭人事空夜關明隴月秋塞急胡風倚伏  
良難定榮枯豈易通旅魂勞泛梗離恨斷征蓬蘇武封

猶薄崔駟宦不工惟餘北叟意欲寄南飛鴻

傷祝阿王明府

并序

夫心之悲矣非關春秋之氣聲之哀也豈移金石  
之音何則事感則萬緒興端情應則百憂交軫是  
以宣尼舊館流襟動激楚之悲孟嘗高臺承睫下  
聞琴之淚祝阿王明府毓德丹穴襲吉黃裳靈墓  
峙金闕之峰層源瀨玉輪之坂既而鴻飛漸陸將  
騁平輿之龍鶴鳴在陰爰絆朝歌之驥乃當名懸

闕月德貫陳星豈徒遽切夢瓊掩沈連石嗟乎輪  
銷桂魄驪珠毀貝闕之前斗散紫氛龍劍沒延平  
之水某昔承嘉惠曲荷恩光留連嘯歌從容風月  
撫心陳迹泣血漣如然而始終者萬物之大歸生  
死者百年之常分雖則知理之可有而未曉情之  
可無聊綴悲歌敢貽同好諸君或締交三益列宰  
一司或叶契筌蹄投心膠漆如比肩於千里遽傷  
魂於九原既切芝焚彌深蕙歎蓋言四始同賦七

哀庶蘭室流薰襲遺芳而化德故蓬心申拙效庸  
音於起予觸目多懷周增流慟

洛川真氣上重泉惠政融含章光後烈繼武嗣前雄與  
善良難驗生涯忽易窮翔鳧猶化履狎雉尚馴童錢滿  
荒階綠塵浮虛帳紅夏餘將宿草秋近未驚蓬煙晦泉  
門閉日盡一作遠夜臺空誰堪孤隴外獨聽白揚風

四月八日題七級

化城分鳥堞香閣俯龍川  
複棟侵黃道重簷架紫煙  
銘

書非晉代壁畫是梁年霸略今何在王宮尚巋然二帝  
曾遊聖三卿是偶賢因一作昔茲遊勝侶超彼託良緣我

出有為界君登非想天悠悠青曠裏蕩蕩白雲前今日

經行處曲音

一本缺此字

號蓋煙

和孫長史秋日卧病

霍第疏天府潘園近帝臺調弦三婦至置驛五侯來尚  
想歡娛洽吁嗟歲月催金壇分上將玉帳引瓌材決勝  
鯨波靜騰謀鳥谷開白雲淮水外紫陌灞陵隈節變驚



衰柳笳繁思落梅調神和玉燭挾藻握珠胎悵矣欣懷  
土居然欲死灰還因承雅曲慙喜躍沈鯤

餞鄭安陽入蜀

彭山

一作門

折坂外井絡少城隈地是三巴俗人非百里

材畏

一作長

途君悵望岐

一作別

路我衷徊心賞風煙隔容

華歲月催遙遙分鳳野去去轉龍媒遺錦非前邑鳴琴

即舊臺劍門千仞起石路五丁開海客乘槎渡仙童馭

竹回魂將離鶴遠思逐斷猿哀唯有雙鳧鳥飛去復飛

來

詠懷

少年識事淺不知交道難一言芬若桂四海臭如蘭寶  
劍思存楚金鉞許報韓虛心徒有託循迹諒無端太息  
關山險吁嗟歲月闌忘機殊會俗守拙異懷安阮籍空  
長嘯劉琨獨未懽十步庭芳斂三秋隴月團槐疎非盡  
意松晚夜凌寒悲調弦中急窮愁醉裏寬莫將流水引  
空向俗人彈

春日離長安客中言懷

一作春  
霧早行

年華開早律霽色蕩芳晨  
城闕千門曉山河四望春  
御溝通太液戚里對平津  
寶瑟調中婦金壘引上賓  
劇談推曼倩驚坐揖陳遵  
意氣一言合風期萬里親  
自惟安直道守拙忌因人  
談器非先木一作先  
蟠木圖榮異後薪  
揄慙路鬼憔悴切波臣  
玄草終疲漢烏裘幾滯秦  
生涯無歲月岐路有風塵  
還嗟太行道處處白頭新

夕次舊吳

維舟背楚服振策下吳畿盛德宏三讓雄圖枕一作九

抗

圍黃池通霸迹赤帑暢戎威文物俄逸謝英靈有盛衰  
行歎鷓夷沒遽惜湛盧飛地古煙塵暗年深館宇稀山  
川四望是人事一朝非懸劍空留信亡珠尚識機鄭風  
遙可託關月眇一作難依西北雲逾滯東南氣轉微徒  
懷伯通隱多謝買臣歸唯有荒臺露薄暮濕征衣

早秋出塞寄東臺詳正學士

促駕踰三水長驅望五原天階分斗極地理接樓煩溪

月明關隴戎一作胡雲聚塞垣山川殊物候風壤異涼暄

戍古秋塵合

一作冷

沙寒宿霧繚昔余迷學步投迹忝詞

源蘭渚浮延閣蓬山款禁園影纓陪絃冕載筆偶瑱璠  
汲冢寧詳蠹秦牢詎辨冤一朝從宦服千里驚輕軒鄉  
夢隨魂斷邊聲入聽喧南圖終鍛翮北上遽催轅弔影  
慙連茹浮生倦觸藩數竒何以託桃李自無言

幽繫書情通簡知已

昔歲逢揚意

一作陽歷

觀光貴

一作賁

楚材穴疑丹鳳起場似

白駒來一命淪驕餌三緘慎禍胎不言勞倚伏忽此邁

遭迴驄馬刑章峻蒼鷹獄吏猜絕縑非易辨疑壁果難

裁揆畫

一作  
捺拙

慙周道端憂滯夏臺生涯一滅裂岐路幾

裴徊青陸春芳動黃沙旅思催圓扉長寂寂疎網尚恢

恢入窞先

一作  
方

搖尾迷津正曝腮覆盆徒望日蟄戶未

經雷霜歇蘭猶敗風多木屢摧地幽蠶室閉門靜雀羅

開自憫秦寃痛誰憐楚奏哀漢陽窮鳥客梁甫卧龍才

有氣還衝斗無時會鑿坏莫言韓長孺長作不然灰

久戍邊城有懷京邑

擾擾風塵地，遑遑名利途。  
盈虛一易舛，心迹兩難俱。  
弱齡小山志，寧期大丈夫。  
九微光賁玉，千仞忽彈珠。  
棘寺游三禮，蓬山造八儒。  
懷鉉慙後進，投筆願前驅。  
北走非通趙，西之似化胡。  
錦車朝促候，刁斗夜傳呼。  
戰士青絲絡，將軍黃石符。  
連星入寶劍，半月上彫弧。  
拜井開疎勒，鳴桴動密須。  
戎機習短蔗，祿靜長榆季。  
月炎初盡遠，亭草早枯層。  
陰籠古木窮，色變寒蕪海。  
鶴聲嘹唳城，烏

尾畢逋葭籛秋色引桂滿夕輪虛行役風霜久鄉園夢  
想孤瀾池遙夏國秦海望陽紆沙塞三千里京城十二  
衢揚溝連鳳闕槐路擬鴻都璧殿規宸象金堤法斗樞  
雲浮西北蓋月照東南隅寶帳垂連理銀牀轉轆轤廣  
筵留上客豐饌引中厨漏緩金徒箭嬌籛玉女壺秋濤  
飛喻馬春水泛仙臚意氣風雲合言忘道術趨共矜名  
已泰詎肯沫相濡有志慙雕朽無庸類散樗關山暫起  
忽形影歎艱虞結網空知羨圖榮豈自誣忘情同塞馬



比德類宛駒隴坂肝腸絕陽關亭堠迂迷魂驚落雁離  
恨斷飛鳧春去榮華盡年來歲月蕪邊愁傷郢調鄉思  
繞吳歛河氣通中國山途限外區相思若可寄冰泮有  
銜蘆

在軍登城樓

城上風威冷江中水氣寒戎衣何日定歌舞入長安

於易水送人

此地別燕丹壯士髮

一作壯髮上

衝冠昔時人已沒今日水

猶寒

詠鏡

寫月無芳桂照日有花菱不持光謝水翻將影學水

批燈杖

稟質非貪熱焦心豈憚熬終知不自潤何處用脂膏

詠塵

凌波起羅襪含風染素衣別有知音調聞歌應自飛

翫初月

一作沈  
佺期詩

忌滿光先一作恒缺乘昏影暫流既一作自能明似鏡何用

曲如鈎

送別

寒更承夜永涼夕向秋澄離心何以贈自有玉壺冰

憶蜀地佳人

東西吳蜀關山遠魚來雁去兩難聞莫怪常有千行淚  
只為陽臺一片雲

詠鷺七歲時作

鴛鴦鴛鴦曲項向天歌  
白毛浮綠水紅掌撥清波

御定全唐詩卷七十九

欽定四庫全書

御定全唐詩卷八十

武三思

武三思則天兄子累官右衛將軍則天臨朝擢夏官尚書及革命封梁王尋拜天官尚書聖歷初檢校內史進太子賓客長安中其子崇訓尚安樂公主時三思用事於朝欲寵異其禮乃自重光門內行親迎禮歸於天津橋南私第又令宰臣李嶠蘇味道詞人沈佺期宋之問

等賦花燭行以美之中宗復位拜司空同中書門下三品猜嫉正士干黷時政為節愍太子所誅詩八首

奉和聖製夏日遊石淙山

第二句  
缺一字

此地巖壑數千重吾君駕鶴乘龍掩映葉光含翡翠  
參差石影帶芙蓉白日將移衝疊巘元雲欲度礙高峰  
對酒鳴琴追野趣時聞清吹入長松

仙鶴篇

白鶴乘空何處飛青田紫蓋本相依緱山七月雖長去

遼水千年會憶歸  
緱山杳杳朔寥廓  
遼水纍纍歎城郭  
經隨羽客步丹丘  
曾逐仙人遊碧落  
迢迢碧落斷氛埃  
霞臺雲閣幾重開  
欲尋東海黃金竈  
仍向西山白玉臺  
九臯獨唳方清切  
五里驚羣俄斷絕  
月下分行似度雲  
風前颺影疑迴雪  
風前月下路漫漫  
水宿雲翔去幾般  
宛轉能傾吳國市  
裴回巧拂漢皇壇  
琴中作曲從來易  
鼓裏傳聲有甚難  
夜夜恒飛銀漢曲  
朝朝常飲玉池瀾  
別有聞簫出紫煙  
還如化履上青天  
霜毛忽控三神下

玉羽俄看二客旋，燕雀終迷橫海志。  
蜉蝣豈識在陰年，莫言一舉輕千里。  
為與三山送九仙。

宴龍泓

登臨開勝託眺矚，畫良遊巖寧縈紆。  
上澄潭屈曲流泛，蘭清興洽折桂野。  
文道別後相思處，崎嶇瑋澗幽。

凝碧池侍宴應制得出水槎

彼木生何代為槎，復幾年欲乘銀漢曲。  
先泛玉池邊擁溜，根橫岸沈波影倒。  
懸無勞問蜀客，此處即高天。



奉和宴小山池賦得谿字應制

年光開碧沼雲色斂青谿凍解魚方戲風暄鳥欲啼巖  
泉飛野鶴石鏡舞山雞柳發龍鱗出松新麈尾齊九韶  
從此驗三月定應迷

奉和過梁王宅即目應制

巖居多水石野宅滿風煙本謂開三徑俄欣降九天穿  
林移步輦拂岸轉行旃鳳竹初垂籜龜河未吐蓮願持  
山作壽恒用却為年

奉和春日游龍門應制

鳳駕臨香地，龍輿上翠微。  
星宮含雨氣，月殿抱春輝。  
碧澗長虹下，雕梁早燕歸。  
雲疑浮寶蓋，石似拂天衣。  
露草侵階長，風花遶席飛。  
日斜宸賞洽，清吹入重闈。

秋日于天中寺尋復禮上人

妙域三時殿，香巖七寶宮。  
金繩先界道，玉柄即談空。  
喻筏知何極，傳燈竟不窮。  
彌天高義遠，初地勝因通。  
理詣歸一處，心行不二中。  
有無雙惑遣，真俗兩緣同。  
摘葉疑

焚翠投花若散紅，網珠遙映日蒼鐸。  
近吟風定沼寒光，素禪枝暝色葱蔥。  
願隨方便力，長冀釋塵籠。

句

雲螭非易匹，月駟本難儔。

詠馬見海錄碎事

張易之

張易之定州人，以門蔭累遷尚乘奉御，則天臨朝與弟昌宗俱入侍禁中，俄為司衛少卿。聖曆二年置控鶴府，以易之為控鶴監，內供奉。久視初改控鶴府為奉宸府。

遂為奉宸令引詞人閻朝隱薛稷員半千並為奉宸供奉易之昌宗皆粗能屬文如應詔和詩則宋之問閻朝隱為之代作詩四首

奉和聖製夏日遊石淙山

六龍驤首曉駸駸七聖陪軒集潁陰千丈松蘿交翠幕  
一丘山水當鳴琴青鳥白雲王母使垂藤斷葛野人心  
山中日暮幽巖下泠然香吹落花深

侍從過公主南宅侍宴探得風字應制

逐賞平陽第鳴笳上苑東  
烏吟千戶竹蝶舞百花叢  
時攀小山桂共挹大王風  
坐客無勞起秦簫曲未終

出塞

俠客重恩光駿馬飾金裝  
瞥聞傳羽檄馳突救邊荒  
轉戰磨笄地橫行戴斗鄉  
將軍占太白小婦怨流黃  
腰裏青絲騎娉婷紅粉粧  
一一作春鶯度曲八月雁成行  
誰堪坐秋思羅袖拂空牀

泛舟侍宴應制

平明出御溝解纜坐迴舟綠水澄明月紅羅結綺樓弦  
歌爭浦入冠蓋逐川流白魚臣作伴相對舞王舟

張昌宗

張昌宗易之弟初為雲麾將軍行左千牛中即將加銀  
青光祿大夫佞者奏昌宗是王子晉後身詞人皆賦詩  
以美之崔融作為絕唱則天詔昌宗撰三教珠英引文  
學之士李嶠張說宋之問徐彥伯富嘉謨等二十六人  
分門撰集書成加昌宗司僕卿改春官侍郎時易之兄

弟顓權亂政後為張柬之等起羽林兵誅之詩三首

奉和聖製夏日遊石淙山

雲車遙裔三珠樹  
帳殿交陰八桂叢  
礪險泉聲疑度雨  
川平橋勢若晴虹  
叔夜彈琴歌白雪  
孫登長嘯韻清風  
即此陪歡遊閨苑  
無勞辛苦向崆峒

少年行

少年不識事  
落魄遊韓魏  
珠軒流水車  
玉勒浮雲騎  
縱橫意不一  
然諾心無二  
白璧贈穰苴  
黃金奉毛遂  
妙舞

飄龍管清歌吟鳳吹三春小苑遊千日中山醉直言身  
可沈誰論名與利依倚孟嘗君自知能市義

太平公主山亭侍宴

淮南有小山羸女隱其間折桂芙蓉浦吹簫明月灣扇  
掩將雛曲釵承墮馬鬟歡情本無限莫掩洛城

一作關陽

薛曜

薛曜元起子以文學知名尚城陽公主子紹尚太平公  
主紹兄顓懼太盛以問從兄克克曰帝甥尚主由來故



事但以恭慎行之何懼也聖歷中與修三教珠英官正  
諫大夫集二十卷今存詩五首

奉和聖製夏日遊石淙山

玉洞幽尋更是天朱霞綠景鎮韶年  
飛花藉藉迷行路  
嘯鳥遥遥作管弦霧隱長林成翠幄  
風吹細雨即虹泉  
此中碧酒恒參聖浪道崑山別有仙

子夜冬歌

朔風扣羣木嚴霜凋百草借問月中人  
安得長不老

舞馬篇

星精龍種競騰驤  
雙眼黃金紫豔光  
一朝逢遇昇平代  
伏皂銜圖事帝王  
我皇盛德苞六宇  
俗泰時和虞石拊

昔聞九代有餘名

山海經夏后  
啟舞九代馬

今日百獸先來舞  
鉤陳

周衛儼旌旄鐘鐃陶匏聲殷地  
承雲嘈囋駭日靈調露

鏗鉦動天駟奔塵飛箭若麟螭躡景  
追風忽見知咀銜

拉鐵並權竒被服雕章何陸離  
紫玉鳴珂臨寶鎧青絲

綵絡帶金羈隨歌鼓而電驚  
逐丸劍而飈馳態聚踴還

急驕凝驟不移光敵白日下氣擁綠煙垂婉轉盤跚殊  
未已懸空步驟紅塵起驚鳧翔鷺不堪儔矯鳳迴鸞那  
足擬蘅垂桂裊香氛氳長鳴汗血盡浮雲不辭辛苦來  
東道祇為簫韶朝夕聞閭闔玉臺側承恩照兮生光  
色鸞鏘鏘車翼翼備國容兮為戎飾充雲翹兮天子庭  
荷日用兮情無極吉良乘兮一千歲神是得兮天地期  
大易占云南山壽趨趨共樂聖明時

品彙本剛閩  
闕間下一段

正夜侍宴應詔

英華作正月望夜  
上陽宮侍宴應制

重關鐘漏通夕啟鳳皇宮雙闕祥煙裏千門明月中酒

杯

一作筵

浮湛露歌曲唱流風侍臣咸醉止恒

一作常

慙恩

遇崇

一作造豐

送道士入天台

洛陽陌上多離別蓬萊山下足波潮碧海桑田何處在  
笙歌一聽一遙遙

楊敬述

揚敬述則天時右玉鈐衛即將左奉宸內供奉詩一首

奉和聖製夏日遊石淙山

山中別有神仙地，屈曲幽深碧澗垂。  
巖前暫駐黃金輦，席上還飛白玉卮。  
遠近風泉俱合雜，高低雲石共參差。  
林壑偏能留睿賞，長天莫遽下丹曦。

于季子

于季子咸亨中登進士第，則天時司封員外詩七首。

奉和聖製夏日遊石淙山

九旗雲布臨嵩室，萬騎星陳集潁川。  
瑞液含滋登禹膳。

飛流薦響入虞弦  
山扉野徑朝花積  
帳殿帷宮夏葉連  
微臣獻壽逆千壽  
願奉堯年倚萬年

詠雲

瑞雲千里映祥輝  
四望新隨風亂鳥  
翅汎水結魚鱗布  
葉疑臨夏開花詎  
待春願得承嘉景  
無令掩桂輪

詠螢

卉草誠幽賤  
枯朽絕因依  
忽逢借羽翼  
不覺生光輝  
直念恩華重  
長嗟報効微  
方思助明月  
為許願曾飛

早春洛陽答杜審言

一本早春  
下有代字

梓澤年光往復來，杜霸遊人去不迴。  
若非載筆登麟閣，定是吹簫伴鳳臺。  
路旁桃李花猶嫩，波上芙蓉葉未開。  
分明寄語長安道，莫教留滯洛陽才。

詠項羽

北伐雖全趙東歸不王秦，空歌拔山力羞作渡江人。

詠漢高祖

百戰方夷項三章且代秦，功歸蕭相國氣盡戚夫人。

南行別弟

一作揚師道詩英華  
作韋承慶南中詠雁

萬里人南去三春雁北飛不知歲月得與爾同歸

御定全唐詩卷八十